

四庫全書

集部

欽定四庫全書

榕村集卷三十七

大學士李光地撰

詩三

御書篤志經學額賜韓學士莢恭紀

六籍如列曜迭出經上古暨周始會元珠璧聯一縷漢
氏燔灰餘殷勤賴網取文章最深厚至今不敢侶貞觀
盛疏義詳密理訓詁鬱為經術文元和差可數宋德隆

嘉祐尊經自廟宇自時六百年斯文得統緒

聖代復皇初四術崇規矩不有國元龜誰校觀白虎學
士南州來

宸眷久所佇平生焉不學經義其垣堵采擷極菁英涵
釀并苴茹根華共一貫軒豁畧門戶再召清夜勤三接
晝日舉一朝下

天章巨額忽開宇蟠拏蛟螭翔騰擲鳳鳥跼寓此優儒
意因之播鐸鼓舊簡龍頭重十載吳江雨美節何高清

深恩即酬補

帝睠翰林枝儀以凌霄羽還代夔龍司是冬正偃武奪
席與賜金褒勉未榮汝藉爾文道行始信經學努

皇言孰改評朝賦漫自譜況復采巴歌誰能托不腐

反鮑明遠放歌行

天物天用之委意孰為非冥冥良足慕未必如我懷越
絕烟霞外山川翠練開龍目生花細魚須拂水來飛飛
春海燕渺渺銜泥埃繡戶知己入忽與時令歸豫章在

南山度者云可材幽幽盤壑底而無棟樑猜棲遲何以
晏三逕生荒萊豈乃昇金掌更欲表雲臺無心作解難
順命且淹迴

榕村初構二十韻

歲星初伐國月令未攻鮫弱水封三澨烽烟直四郊田
橫客已附公旦誥徒聳萬里狐狸穴誰家燕雀巢風颺
傳鼓角驛路滿弓弰意興無斷絕高深窮突坳一枝營
未足陋巷網堪捐所遇識之表聊為來者牘中峯氣特

異遙海色相包迴澗盤窪頂淺茸驚小廬僊人驅石砌
神女插幽苞披莽佳將盡誅茅跡尚膠衡門甃啜菽世
室及吹鐃曲澮通漪止連榕起密梢阮公田惠與宅相
築渾殽夜魄疎猶透春流攪復洧輕芬淡遠麝微籟咽
清笳絕嶂孤雲迴三村細鳥嘲時從長者飲或與狂夫
呶弭節紛華路放心汗漫交

其二

石塘當曲水異產聞濺鮫宿昔耽幽徑終身戀近郊迴

流清且淺盤榦老而聾屈折通疎岸繁陰庇一巢傾義
漏百線缺魄懸孤弭聚石開洲渚因垆出突坳雨過潤
欲滴烟宿翠堪捎靜夜潺聞瑟飈風厲發鶻哇分楚國
佩圃雜揚州包坐蔭人親鳥伏茸犬似麀假山穿竇細
直角挿筠芭菡萏香分醞麗支膩比膠風流魯木鐸感
遇漢金饒歌罷皓衣裔瞑還黑樹梢蔽虧寒暑變激射
雨晴殺源徹思何慮塵同跡又滄冥心入遠羽條翫起
清笈守拙天應允長疎人未嘲春連雙影動農逐一聲

奴寄語市朝客息機巖岫交

思哉席上即事

繁條結緒風新軒每遊矚陰晴生變態萬象起亭毒之
子盡素心寤懷矢相告雨氣傍暮多盛歎欲起粟主人
岸西偏晒網晨來屬同調騁幽思詠言導所欲君有五
色絲我是桑下蠟六宮品玄黃無乃譏同浴翩翩何與
楊齊心解朱襮孫陳角嶄然誰令久橫牯史兄廿年交
古色紛歷錄詩滿老杜胸杖護新葵足夷險頗中更今

日興還續兀兀喜呼觴碌碌但攻玉坐側衛侯弁酣掀
武帝僕吟苦入枝梢步閒觀畚揭微颺動清陰幽漪灑
煩溽欲借魯陽戈西崦弭義旭鎮日浩忘歸勿受恭然
趣方今聲利心摇摇亂風熏驚豔侈登龍傲光羨籠鵠
我與二三子願言超季俗一幕義農真洗卻哀周縛況
此靜鳴吠竝食

帝恩沃我輩殊潛見清修同所勗未妨大雅編留作聖
唐曲自從鼻疾除疑有幾斤斲荷麗日飄香莫厭荒瓢

綠

待月

茂樹晚忘歸高梢爛碧緋詩成前夕話吟向今宵暉
嫋嫋起風葉遲遲清炎威東方渾未素雲露已霑衣

榕二首

南方有佳木冬夏常青青脂可雜金碧文能擬畫屏
幽根依澗壑長幹老郊垌意色今如此中應藏百靈

其二

獨有榕村榕低垂前古風孤根吹不斷一水渡還通偃
蹴人何意傾危神者功每須風雨會流韻滿谿中

又排字

濃綠牕庭戶繁梢侵水天眼看搖落盡好似青陽偏蘭
浦伴芳草清秋急斷蟬滄洲長結蔭吟咏有孤篇

構榕村草堂用王介甫招約之職方韻

吾甥孫氏子小城阡之曲門外一橫塘鄰頭幾竿竹村
外烟火深路口麗荷馥卧雲古樹黝遞雨春疇綠維時

四郊閉吾壘於焉築閒情滿驚棲幽心寄游目有榕摧
著地旋生非一木分枝鳥已猜問根人未熟雙橋曾涉
川合幹擬支屋我行蔭煩暑或來憩囂黷仰聽高翼喧
下俯微鱗逐惜哉羈代網不得驚孤躅風埃汔少霽王
路趨何速犬馬戀恩長禽鳥愛日速版輿三逕花飛帆
六月舳甲子竟妖星粉榆吾已足逮此荒十畝居然灑
清瀆臺漏萬翠金池擢千紫玉疎雨移時聞西曦亭午
縮覆苑櫨山阿穿源下淇澳畦中無數藥雜以伊何藪

地湧九仞蔽天虛十里矚勝踐光行葦寬腸懿苜蓿
分葉露餐龜共蘭膏讀卷靄正望山陰晴時候谷結者
度外交來此園中續佳賓不須筮良夜惟所卜洛下多
雪肩東山富絲肉背樹真悠哉傾葵尚跼促方今盛棟
樑慙委檀下穀

賦得兩水夾明鏡雙橋落彩虹

一村烟色泉溶溶亦有前人得句同夾水對開幽事滿
雙姿枯老踏花通鷗心渺渺虛圓外鶴羽翩翩錦畫中

此地更令詩點綴吟成月上四山空

賦得人烟寒橘柚秋色老梧桐二首

對坐新花池繇憂淡遠思桐心虛易感柑美氣何遲遣
興空昏暮招朋拙鬪詩盈盈一水外吟罷隴西辭

其二

林中通勝事晨夕泛秋光老色人先賦菁姿句入唐凝
香迷月桂結子亂金剛更有幽蘭滿霜輝倍鬱蒼

題魁星畫像

孰始為圖畫遂流遍九州
嶄然人見角高作天之喉彩
筆生春夢寒花占上頭
清宵陪短檠坐佇唱雞籌

酬泰山和尚見寄

冉冉今秋又送將
山僧贈我意何長
幾番局為貪機誤
千古人纔著手忙

僧書中以
弈為喻

報德三生終罔極
行年四

十已非強西崗來抵移
文久夢繞仙鋪澗底菖

送施少保南征

七載經營後

帝心厯八荒南車周譚至樓櫓漢威翔況是門庭冠詎
容卧榻旁臨軒思宿舊高宴陪明光服遠知無戰安瀾
更不揚丈夫懷報德豈獨眷維桑

諸葛武侯排字

蛙聲居漢路朱歷久燠黃割踞三分會玉葉亦飛揚名
才晚草廬英心乃自藏抱吟遙所托孤嘯悲榮光縱令
辭高卧卻教勒斜陽瀟洒昏塵際綰巾傲豪強秦隴奚
難收回瀾且一方秋風渺魂魄排淚計株桑關河陳復

非萬年感以傷片言誠拜獻後世幾西梁

諸葛武侯步王荊國韻

後人於古老易地遂雌黃炎李忠武侯論者每推揚嗚
呼公不作千載無行藏受託白帝城東征斧鉞光區區
控三巴步卒馳咸陽仲達四十萬鼠匿畏其強尅日還
舊都流星沒西方以死殉先帝咬咬慘黃桑我讀公遺
文胸臆填悲傷惜哉漢業傾虛有大厦梁

張留侯步王荊國韻排字

發憤驚萬乘低心捧素編寂寞五君恩泣涕當流連
近識真帝去留每閒閒傾危在倉卒應之何其寬漢庭
茅社開託疾駐顏年寄言圯下人相需穀城邊一起來
采芝手止重麗懸出處有深意愚者以為僂區區狀貌
間世多司馬遷

嚴子陵排字

漢家弘濟艱難時渺渺鴻飛有所思舊學未煩明主戀
幽懷已結滄洲期空臺漠漠江初冷驛路蒼蒼客尋奇

今古低回籠鳥恨別來斷壁傲秋危

陳希夷二首

元理浩難尋大象藏於密夫子洞幽微千載無與匹其
殆義農在或疑商周逸鳳詔枉然來鶴馭安且侑皇世
廣成生代衰老子出明滅三墳道賢者識其軼正如殷
父師圖疇紛有秩周邵得諸人前乃無旁弼瀾森汴西
崑紛華沿素質先生卧未醒白雲滿空室

二

先生生唐末早結桂華根一自九州亂逃人抱其醇易
道通消息丹經淨魄魂虛聲紛以謝林壑浩埋真拂枕
長高卧鳥鳴山花然浮遊凌四海所邀皆散仙老為清
時出心戀舊谿寒爐火飛洞室天風野鶴翻傳及李之
才千秋起百原白雲滿西谷紫氣連函關

新構小亭排字

凭流倚築俯新谿落照移陰壓短籬最是林泉無待買
近多詩酒頗曾癡蕭疎殘魄曠蘋草瀕洞冥霖度野池

拂席攤書還暮眺淨瀾平浸數峯低

榕

十畝之間有榕三根三根惟一其植則分根不推兮何
以三植枝不根兮何以條肆彼風能摧彼枝能根摧者
其天根者其人既根在人摧亦天意欲令遠揚十畝陰
翳

泰山新泉和韻

泰山天下望峯有號金泉觸石立成潤登封此告虔胡

茲崇頂秀襲彼舊名鮮卓錫栖靈異拈枝灑鬱煎歲犇
祈望者昔著法師賢一自上人至再聞絕響消孤絲雲
獨往一片心相牽解帶寒家舊回頭滄海田風雨將懼
恐夷險幾瀾湍人道僧鄰俗我言師不顛蒼蒼南嶺下
藹藹長林邊羈束每塵頓馳依在蔚芊何期行跡枉告
語新泉濺浣土叩須友千霄自詠言原因斷復出點便
石如硤多是名山秘今流法水浚勞歌吾把卷同調那
安弦歷落長幽侶優游可忘年酌甘蒼蘚壁采苦白雲

天何用里兒喜於焉故我全吾懷云爾已師意將無然
井邑早望久清渠聊可傳

御製孔庭檜賦恭紀用韓昌黎太清宮韻

聞出聖人手今存夫子家三千天上種五百道之華荒
蹟披圖遠孤根閱歲賒神明依檻宇風雨護龍蛇季葉
呈苞早

傳崇禎十六年
手植檜生枝葉

肇基降命遐相傳關代運歷古

不參差質與真容舊氣隨王澤芽我

皇來釋菜

睿藻賁枯葩幽興道心合新篇都下譁金鑄泮水奏鼉
鼓辟雍撾南國棠猶惜西州栢已嘉人湮物乃貴天敝
教無涯健筆蛟紛拏貞珉玉絕瑕音看精一行世即五
三加岱色增靈異奎分煥彩霞小臣睽隸御三喟起咨
嗟

壽舊館毛念益八十

十七年前三衢道我始逢君君已老今日歸途又過君
開屏授几稱大耄此地來自五嶺間豈有異術駐朱顏

從戎暗指盧龍塞王師徑度仙霞關多君義俠酌君斗
霜風未厭茱萸酒生逢

聖明已倦飛何似世出世閒若此叟

讀書

吾衰兼劇疾讀書始知味景迫身未休又苦無專志
若桃花源雲霞一夜醉堂室終自局大哉何由濟昔哲
有師承空山十年閑動靜相乳入點點著心地

七夕督學政至通州

連旬傾暑雨天意誠若何北地惟愁旱傳聞不厭多傷
哉漳滏濱頻歲沈驚波高土猶自可下游勢則那我來
坐深院雨脚亂如麻文場時滿履絳帟手可掇中宵七
夕響星漢漫平沙云何裨野事侵精為擊摩芄芃苗黍
外庶以育菁莪雲霖道苦遠心跡只藤蘿

校士上谷將之永平

神京西出右扶風控帶邦畿第一同勝蹟徒餘今易水
英聲漸近古山戎杏花開處迎長路棗葉香時靜闕宮

自是虛餅畏壘滿他時安敢望文翁

和魏蔚州題俗傳吳道子寺壁畫水

蔚州先生忘年友去我幽藏十載久傳聞古壁餘波濤
我信先生紀其後山河已改關城頽豈有垣宇不傾灰
流俗好怪徒如此先生好古亦甚哉

燕臺懷古倣謝元暉韻

堯令宅幽都禹功奠冀隩星分紀津漢垣塞限荒服五
嶽迴北首三光轉南陸霸跡遺汶篁賢蹤表孤竹俠游

輕生贅慷慨重言複趙代連悲謳滄齊一極目王氣鎮
千年農功宜百穀襟帶控諸州衣冠致羣牧唐季矛始
興宋代師猶曝雪滿薊門深風清北平儵關河域無畛
山川靄方淑窮髮來梯航不毛混軌軸幾歲滯京華六
年守上谷匪棠行當翦無膏民何沐顧瞻喟雄藩循省
思舊築

荷花池聽蟬八韻

陵夏曾窺郭尋秋再采苓

古蓮字

雨過畦草綠池漲岸葭

青爽色來平野繁弦下廣庭居標清獨迴抗韻久還停
素潔參朝露餘音落遠垌終須神蛻跡豈欲耳煩聽好
友羣深院高人自敬亭覽茲感時序相望想丹經

時梅
定九

先生自
宣城至

扈從應制

宵肝殷憂意獨多頻年禹跡御南河車書混一天無壑
琛賁長來海不波萬頃烟光浮彩翠千峯月色靜嵯峨
皇情遠邁橫汾日極目清平帝作歌

關侯廟懷古用謝朓登孫權城舊韻廟在撫署之
東偏射圃

世祖夸篡亂舊物收一戰昌符起白水重光全赤縣庠
序跡周基聲明訖禹甸昏德誤閭賫賄政易賢選千里
草遂青萬方甲如練帝子攬雄奇良臣感顧盼受寄永
安宮規取雒陽殿詐權息諛謀淫叡罷荒譙微管衣裳
非似姬禮樂舊曩者下問時豫將上將薦華夏聲威殫
秋星靈爽變心紆炎鼎移代連洪鑪轉河沔英風流梁

益咨述徧我來近明神古往動深眷獨解劉氏襟遂委
曹公弁涿州魂所思樂毅風如見緣茲締廟宇欲以永
丹絢愜息共歛歔顧步獨行衍

寓興示兒

大海掀翻一葉舟極知沙界等浮漚支分家口存猿鶴
摒擋擔囊謝馬牛投老那堪為僕射數竒原不計封侯
何曾世事關身事身外焉能替汝愁

題易稿

至聖通憂患孜孜翼此編三千誰受者五十獨加年幸
與鑿經在還同侯緯宣高當淪象罔下則著言筌徒曰
奇而法烏知道所遷京焦號師授王管各門專洛水標
孤指原山別有天坐令臯席撤一掃麻衣傳朱子雖生
後義皇未畫前精微歸一契淳厚得真詮塵霧為披去
幽昏頓灑然如何思過半更欲覽其全理豈終朝悟心
從弱歲研二毛今種種衆妙只元元摧緒西河暮羈思
碧澗邊書成何必副滕鎖寄風烟

感懷

我生月在尾疾厄備諸劬樗材難斲削無乃費般模早
齡逢屯險末路足憂虞竭來司民社終歲事榮雩鏡能
催人白紱猶困我朱殘病鎮偃蹇對卷髮跣趺餘生傍
日月光景不可圖撫已誠庸虛義與夏畦徒陽春萬物
競天意存枯株云雖瓦蕒質陳以先玉珠秋風動燕山
兩紀度平蕪平生學海志東望愧斷洙性命誰雙修心
迹古來殊寒花強自嫩倦鳥憂能癯顧盼聊自喜多有

臭味俱綦履登我堂譔笑忘我愚絃歌全至魯風韻欲
歸儒皎皎白駒賁我往不能趨沈吟思大過鳴和起中
孚晨誦超然句衰容歛已腴

古詩多有數梁甫吟者冬至後生直戲成一首

步出青郊望先朝有禪亭西風驚草木日暮動金聲吁
嗟微管子列郡自交兵東介不可留戾止思南荆仰視
雲雷屯沈想日月清九州誰樂國沒齒吾深耕

澤州陳相國扈從南幸有詩留別即韻奉酬

先生落筆鬼神驚獨擅中朝雅頌聲綸閣同時瞻粹品
泰山他日仰鴻名徘徊酬德

君恩重直截當仁

聖果成下士最嫌聞道暮殷勤愧殺丈人情

雨用朱子韻

故園值此日山色朝暮明最宜暑雨會榕樹滿村鳴驟
合嶺雲暗儵至溪風生膝浮千畝綠瀑瀉萬丈傾衣為
帝京縉夢繞舊林清耆宿遠相問誰言出者榮臨岐屬

昆友三逕預經營他日共蓑舟欵乃入樵耕

賜魚

按獵曾臨渭豐年已兆魚尊親虔俎獻寮案飫波餘頌

雜庚丘奏

詩歌魚麗笙由庚歌
南有嘉魚笙崇丘

風聞丙穴居東方勞宰

割馮煖省空虛此日兼殊典他時應大書入梁斯適可
在鎬又焉如賢辟宣恩徧高官喜氣攄素餐誰獨媿釣
野未忘初

壽澤州陳相國七十二首

寥遼大雅典型詩四十年來繼者誰聖域公真窺閭與
鴻文世僅得毛皮功名了不關房杜寵利何曾及傳伊
晚出朝朝親欵譬春風一坐又經期

山右多賢夙所親蔚州猗氏老成人欽公道德追隨晚
憐我庸虛笑語真天壽中朝應有意星明南極久生身
恰逢陽長昭融日下里無能祝降神

和京江張相國西郊偕行原韻

有序

前歲從京江相國請安西苑聯轡還歸時值初秋景

明綠柳垂蔭先生欣然邀予憩坐既申請益更飫行
厨未賦頌言先荷投贈敬和請正

長信曉鐘稀白露塗寒楚百執起居罷歸蹄亂禾黍裴
公未綠野即辰懽嘯侶池荷明夏殘河楊結風緒誰忝
京洛行追陪慙馬呂提拂念衾裯傾輸忘齟齬席地醉
香醪從庖紛菜茹亮節當朝欽高標暇日舉芳音難屬
和循誦祇含咀

暮春三日集汪氏寓齋

百疾老來并況堪職鞅多雖有朋舊好五載一蹉跎燕
京古垣塞時卉亦紛羅人事長如此風物奈我何二妙
吾世講長者恒抱疴朝揖猶希鮮鄰巷乃星河今晨杏
花開邀我先經過時雨渾未至

樓名
聽雨

春風颯已和悠然

見故友釋褐金盤陀同遊者誰子洙泗文學科盃行忘
禮讓局戲仍干戈夜闌披卷帙上已舊詩歌茲焉時又
適主人意匪他當今際明盛猗蘭采可接山陰會何陋
安晏只江沱龍見方及運

三月龍見又恭
逢萬壽節

鳳飛在卷阿

才賢賡前事愧我出聲哦

題韓城張司寇皆山畫卷

歐陽尋郡日樂此江淮介何如長河北崩犇几席在扶
輿岐邠間夾岸崑崙派梧竹滿幽谿絲管搖天籟南宮
昨同叨題目忽拈帶公遂寫所心德與知仁會因之想
舊窩豈無峯與瀨白首京洛春未了颺塵債移文徒喧
塵披圖紛靉靄彼美烟霞外悠然發深慨

餞宗伯許時菴致政

國朝論前輩蔚州魏先生公為下榻者於是始知名視
學南中去淚向孤寒傾文章咨賞外慨息不能平瓠子
浩未塞抱薪勞公卿惡池挾漳溢東驚勢雷砰三年雜
丞尉風雨一茅楹拜賡翁河頌

帝嘉績用成召歸局泉布非久命寅清衆竚文風上誰
言鄉思盈

聖主褒二疏羣僚羨四明心戀南山祝花朝出王城車
迎滄海曙擢轉錢塘聲引年盛世事當代幾人榮倦鳥

廿年飛夢遶舊林鳴臨風餞鴻鵠喟然歎冥冥

君恩共友誼感惻有餘情他日辟雍啓還來備五更

餞太宰宋商丘致政

引年古有之榮耀如公難控楚才何武字吳心彌殫入
作卿師表坐令吏改觀行藏臣節古終始

主恩寬璽徵黃霸至詩送四明還

天光聞晝接馬錫更便蕃朝堂惜別時六月正間關
倦去國意豈覺道旁歎驛路恩華滿旌旌悠以聞迎問

額孫輩扶車侍清班而我忝寮案攜手抱帽帽悵望典
型遠賴公守歲寒胡然卧商郊疑事孰周爰

餞太宰徐浩軒予告

四海雲霖望未休超然元宰一身收看來自是蒼生病
此去誰分

聖主憂幕府甘棠多惠愛家山堤柳舊風流髫齡相識
今皆老早晚隨公上小舟

題馬氏家譜二首

北叶鳳凰五世昌兩朝顯績樹疆場擁旄執戟

君恩厚說禮敦詩祖澤長此日源流探水木他年閭閻
爛縑緗將門司馬專名號更羨儒風又發祥

六載偏裨初起家超遷南北擁高牙投壺竊訝風標迥
仗節今知世德遐派溯江州傳幾葉流來河曲正縣瓜
勸君勉樹分茅業物色青蓮鬢已華

再望風雨

北陸當黃道炎神入紫微先庚金伏氣季夏火餘威觸

景遊孤寺通颺啓四扉前宵襟稍展存晝願猶違縱壑
思游泳凌雲慕奮飛蕭蕭愆夜晦習習兀山巍翻憶南
州日長娛背樹暉榕陰虧午照瀑洞散朝霏雨蓋從商
假風雩與點歸貧耶寧足病勝者自能肥汗浹槐三署
涼辭枯十圍盤餐蠅跡滿偃息蚋聲稀口暍惟嘗藥心
煩欲佩韋何時興地賴早晚發天機納爽義農似蠲苛
趙孟非不嫌行遠泥霽盡帝京衣

七夕前喜陳季方至用昌黎韻

昔月苦暑中詩句猶在念有如渾水魚相聚但喁噉惟
願梅雨頻豈覺柳花染白露已新秋煩痼方一砭節變
亦難調酷後未敢厭輝輝牛女辰下有豐城劍出為雷
公開飛去龍津閃晉豫初蘊隆吳越坐昏墊所望君子
亨康哉斯可驗是歲禮賓興書箱滿行店貧者道路艱
賢者階梯欠周貴士有時晉富吾何歎幽蕙出澤中無
人不取豔道合世當驚文馳俗始礪聞說天上星猶然
阻河塹會合為之稀況乃守鉛槧顧我一勺水羨君萬

丈燄王路賢既登山林吾可占素食意長慙緇衣餐不
膽默默玄尚白又虞吳楚僭

和韓昌黎薦士韻論詩兼論同作諸子

洙泗所誦習六義列典誥周游尚參稽采摭無不到虞
夏闕其文吳楚惡其號中間備殷周四術此先導騷賦
起江湘調存而變操宮往人不返哀厲國斯耗鬱聿大
風歌雖雄少渾輿況復趙代謳啾啾候鳥噪李陵本降
人曹家亦羣盜文藻共繽紛音節空騰蹈幸有蘇子卿

抗節北庭暴思王泥不滓超然入堂隩彭澤曠以達明
遠幽而騫餘子騁其長後人從所好中聲亂鼃鼃正室
奪羿稊浮靡同逝波根源比行潦大樂運攸關心聲響
旋報興衰問季札災祥哂裨竈雜思精必亡多眊眼恒
眊誰能觀治忽於焉見靜躁百勸而一諷爾謔匪我耄
狂簡苦無裁高明甘此冒李白英偉姿未免專放傲工
部忠孝人往往獨深造比物陳幽緒鱗毛皆覆幬閔國
憂民勞遺音滿傷悼尊親思補袞氣類日贈縞荒涼跡

已卑繾綣心自告誠然身中清未妨頭不帽此外鄭聲
淫寧殊秦國嫪邵謂世無詩吾言須采芣譬如共文昭
何分魯與邵又若輯萬寶貴者大圭瑁當代富文辭壇
幄盛旌纛體合古并今美能頌兼禱陋士掇芳菲終朝
不盈抱韓障百川歸劉引關東漕正雅當復興頽風不
足懊沽酒城之隈將為吟者犒他年樂堯天擊壤遠相
勞

七夕限韻

溥晨長帟鬱麗景好招攜餘雨褰雲暮新霜壓月低何
曾牛服耜不見女治棲邂逅傳空徧綢繆事杳迷涼風
先白露清漢縵朱提舉目無烏鵲沈心問祝雞未周人
怨曠安識象端倪力穡勞焉似成文懶則奚俗情多捷
徑神物亦荒蹊聞說今星紀平分古會稽耕桑殫地隩
飛挽上天梯戶戶支機倦家家礪角嘶何堪紅乃蠹更
有食之醜

天子垂衣念羣司纍綍齋瘡瘼應即起溝壑庶無擠杜

甫兒何結韓公室不啼大東瞻斗宿直北布雲霓陶謝
連宵聚陳荀五緯睇章成方奪巧槎泛遂搜祗奎壁誠
星府崑崙信地臍玄參揚子草光照老人藜有分愚夫
魯觀風大國齊洵許霄漢豁未覺歲行西連作三朝詠
橫排七夕題

編纂朱子全書仍用七夕韻

少讀建安書平易樂取攜晚歲乃稍覺至味在卑低先
公忤時相薄宦遂羈棲光遠自他耀孕靈悟世迷藹藹

春木芑援我一手提極亂宜生聖風雨正鳴雞善窮詩
款曲直抉易端倪千年統有在五百運屬奚關濂流正
派洙泗闢荒蹊敬義爰雙揭危微典若稽數字真堂奧
萬世此階梯炎室時當晦青蠅不住嘶馮依同社鼠齧
噬比郊鸛萋菲憂方愠荃蓀怒反齎王淮陰毀毒侂胄
顯排擠林栗攻堪笑季通別不啼沒後光星斗生前翳
虹霓

聖明懷一德異代荷瞻睇傳心出符節搜理入根柢測

曜循天腰尋源溯地臍摩編分執管校閣預燃藜學淺
慙程薛篇訛混魯齊傍徨三歲暮點勘恒日西惟應承
制決簡末敢望題

自警詩仍用七夕韻

攝衣登泰岱羣峙如兒攜及與乘長風又見五嶽低平
生戀一枝晚晚未幽棲幼志難甘棄前途孰指迷金丹
莫得要繫鉛空自提人當用醬瓿我也其醢雞治才輸
管子資生拙計倪志節非虞士功名謝嬖奚祇應蓬戶

牖闢此荒山蹊況乃侵肌病何時拜手稽尚思刺雨權
高處見雲梯日暮倦飛噪長途疲足嘶沈冥嗟鴻鵠憂
懼等鼪鼯欲乘一息在更作三日齋宮牆非可入門屋
庶堪擠頽洞西巖響鈎輶南圓啼道心生明魄世象比
虹霓不勝修途遠勞止高山睇可追枝葉悔能復建根
氏策今如扶筇循往欲噬臍歲晏植嘉穀平蕪刈棘藜
過時勤以苦曷月化而齊風歌衛武耄日轉魯陽西昔
訓明且清補過是新題

寄梅定九仍用七夕韻

先生昔歲遊京師，亂橐丹黃富有攜。欲向西方南土部，
從頭一審天高低。南公神識西歸去，滯迹五載猶栖栖。
我時初得承清論，九章六歷總然迷。單傳自是有神授，
寧許凡胎問粉提。心知揚雄越諸子，未敢賤近厭家雞。
郎齋三月歟行笈，彷彿似瞥乾端倪。翻從背面虛假借，
一似叔向忘祁奚。千秋絕業干誰事，抽心鉢肺窮荒蹊。
軒姬神軌依稀在，七十二家理可稽。儒學本自遺經得，

豈必海外來航梯別後官館又延致走僊學子汗流嘶
況我簿領相填委觀覽圖象但咨齋殷勤惟奉棗梨役
不忍名山空擯擠中間風雨吹何惡草玄未就童烏啼
直為萬年拭此淚滂沱欲隕且收蜺燕市宣城四千里
經年一問樹雲睇才與不才皆言子枝披落葉動根柢
我又與君同疝病中虛下脫氣攻臍何時江臯再聚首
細聽他日一丈藜周公有鬼前言戲君壽應與伏生齊
徐陳王魏數來往相思共託夕陽西七月七日賦此韻

先生入夢作新題

諸子臨場文會

周室賓興宴西京計吏車三秋當日煥五色報雲遮吳
越聯帆暮燕齊複路斜道亨千載會人樹百年賒至理
遲遲待浮生戚戚嗟諸公深自重我友聽無譁有命方
連茹從天會隕爪林幽藏虎豹水闊蛟龍蛇環堵成儒
業名山閱國華碧霄元匪枉暮夜不須誇白露行西令
金光粲月花風清牕景徹暑退戶涼加夜語侵巡柝晨

吟亂響笳五星開此地孤曜照誰家投合同香蕙匡持
類直麻傾心歌伐木洄路賦蒹葭思動瀟湘雨文成嶺
海霞雕蟲新出巧正鵠舊傳葩老我聲需鳥如魚目代
蝦忙追辰日燕蚤離午門鴟壑邃聞芳芷波澄見錦沙
知珍迷布褐嗜味隔締紗韓愈驚鳴靜夔翁喜髻差頻
呼沽易酒不住煮夷茶元鳥將歸岫蒼蠅尚散衙商飈
吹大角雲物建高牙蘭葉抽仍翠黃英茁未芽惟應尋
鄰舍何處問天涯景運初來鳳中音即變哇誰言星漢


邈早晚上浮槎

又三首

若連閨月即重九正是離潛或躍時星聚只今占世泰
風迴自古在人為明蟾洗眼應無障黃菊低頭却不歌
每隔三秋愁枉路還能慰我老開眉

隋唐遺事越千年無怪明時亦得賢望斷玉衡懸水鏡
心凝膚寸合山川安仁撫景欣同道元禮臨風惜共船
屈指正逢橙柿候河南宅上擬開筵

彬彬諸子亦時哉潛羽三秋獻賦來簾幕何人知
覩皖海雲迴首望崔巍落英晏節嗟園菊食實他
年待鼎梅不是白衣關宋祚非烟當唱為誰開



榕村集卷三十七

欽定四庫全書

集部

榕村集卷三

三十五

詳校官侍讀學士臣法式善

助教臣常循覆勘

總校官知縣臣繆琪

校對官學正臣翁樹棠

謄錄監生臣鄒世俊

欽定四庫全書

榕村集卷二十八

大學士李光地撰

詩

陳思王

孤竹生二子勾吳有延陵
芝英不擇地敗枿固所蒸
當塗實奸漢陳王臨其崩
百代哀斯志當與日月爭
以故餘述咏噴風排嵒嶒
悵悵齊變雅相騷庶可朋
身窮行

中慮道廢人能弘文采雖通後吁嗟情不勝

和杜拾遺武侯二韻

季興帝子英無對不讓先生獨遂高抵掌匡扶輕一羽
鞠躬顛顚至二毛聞聲服德雖鄰國寫款開誠在署曹
最愛建安弘毅詔當仁自昔有勤勞

後世功名只直尋吾門五尺論森森不圖明主衰無夢
勃起先生得嗣音汾曲重期興禮化伊川獨許佐王心
風移叔季礪溪遠每揭陳書為整襟

讀唐宋名人詠諸葛武侯詩與諸子限韻

當年諸葛師先聲在仁義時史諱仲達所以云節制吾
聞善奕者固本而收勢豈有三代王多殺以爭地陳壽
生也晚但識孫吳計始以將畧疵終將天命媚吾觀七
擒兵寧與七旬異事雖非文德格心乃一例入國長如
賓雜耕兼老稚皇皇公東征哀我一何至管子南伐楚
卻兵待盟則樂毅緩二城欲以服華裔豈無捷速謀而
非遠大利漫言功烈卑自許有深意

和鹿侍御題己丑省試五魁卷原韻

老鶴刷縞衣在陰鳴不已豈無雲霄侶呼嘯寧為起清
唳引高吭古節怡幽耳不令寫入弦不遣編在紙喧啾
邈不聽孤潔結成瘡飛去自翩翩來下何緜緜閒看燕
臺山渴飲雞泉水同調悄何方沈吟觀至理片響落人
間聲絕媚學子少陵殘膏盡剩馥今在此慨息道之衰
哇濫有餘恥自從文敝來審音誰與比又知隱者心鎮
為時憂喜異日東觀開尚煩公一眎

編朱子年譜

此老髻童便已賢終身嘿語獨超然蒹葭白露存周禮
松栢寒霜衛聖傳共信姱修多本末始知出處在幾先
風流百世非文字汗浹頑夫正湧泉

初秋

商律動吹室金氛入候臺涼風初瑟瑟白露始皚皚積
雨全消暑多陰未蟄雷初秋關一歲五穀繁三才晚穡
看雲滿餘糧尚野堆公閒長把卷客至得銜杯空有書

成癖何時道結胎
勞歌短髮暮風物
長年催旅思愁還
劇鄉心夢一開散
懷千古去同好幾
人來草色沾猶翠
蟲聲靜復回宵零
尤可喜六陌避纖
埃

陶然亭秋望

為踐夏日諾閒來
坐小亭蒼蒼葭在
水綿綿隰有苓秋
聲中夜發蕭屑正
堪聽層雲午未寒
樹色增幽冥暫爾
違囂市居然度遠
垌流光截道颺浮
迹逐風萍何物似
故里西山入望青
名士多京華況復
新羽翎校書觀閣

罷幽意未曾停
洲荻續唐作
白蘋步楚輕
雕搜無落韻
吟諷有餘馨
會友聊云樂
移文且勒銘

中秋後晚集兼訂買菊

開尊望月正秋中
颼戾星移玉露風
便指寒花為會主
先期佳節待文雄
長憐歲晏光華滿
三嗅霜姿氣味同
他日遨遊能踐約
不勞送酒入甌東

中秋喜禾稼有秋得禾字

爽色中秋最清光
此夜多友朋頻來會
風雨喜同科不

有幽懷者其如素魄何賞妍情獨發憂國意周羅湛露
樓長畝飄風入廣阿

皇恩披朔雪膏澤至南訛吳越仍安土江淮自息波哀
鴻遵渚渚舊葉守枝柯我與二三子謠歸雅頌歌

當依顏有喜衢巷腹堪摩勞役成誰事寒盟志匪他猶
慙應冊免未敢饋嘉禾

重陽前晴暖

九月難逢妍暖時庭花蓓蘂紫黃枝新霜霽霽輕塗屋

微月清冷緩照楣

論詩

三百列之經五言乃自漢縣延頗秀出濃淡速相扇李
家最能鳴無與拾遺健姿濯松桂疎氣噴春濤漫池鼃
信可嘲鮮采爭堪玩快目摘其尤刪除發芳潤唱答謝
知交坐令一元轉

有感

勞生未得休欲愁且自勸浮迹隨化往築底須命判園

菊後時花凌霰偏爛漫青青巖上栢孤矯寒雲半誰能
求稻粱又復老葭菼始謀乏古心終已違初願冥冥慕
飛鴻行行愧漸鴈不是伊呂科骨驚鬢亦變宿習無始
來塵編竟日伴三百興發憤六爻起憂患老至憂樂并
衰久魂夢亂金丹信何遲雞犬歲又晏樹蟬吟秋節高
風在一旦成相聊申歌還欲告親串

和友人上元夜即事限韻之作

獻歲開顏又豈曾荆舒投老欲依僧

同有元
澤之感

寒風對榻

三更話

時舍弟在寓
每夕談論

落葉前軒一夜燈
潮水到門推上

月朝陰澀馬歷餘冰
那知亂緒難將報
離佩空多愧子

能

賦得

御製憶咏吳中風俗
習尚非交讓官箴乏
協恭也二首

效翰林散館應制

班聯難肅穆俗化易
遷流慨想陶唐理時
煩

聖主憂五方雖異尚
庶類乃分猷雀鼠風
須變羔羊道

豈悠恬熙遵

帝路黽勉贊鴻疇再覩時雍盛方知峻德修

職貢三吳外憂勤五位中山川雲水闊江海地圖雄有
教斯成化無私可效忠至今勞

聖主何以報

皇穹返樸民還樂和衷吏自公

天文高雅頌先譜二南風

效進士應制

帝省休徵切民依歲事忙歌風知作苦肆雅正豐穰
國福占生聚天心念益藏歸禾來收伯猶自勅幾康

恭和

聖製湯泉應候詩

山川望幸出靈泉塞下新萊萬頃田甘雨和風恒有象
深仁厚澤至無邊繙書五夜希停手任道千秋獨仔肩
宵旰勞心時發詠幽詩一幅繪依然

恭和

聖製讀孝經衍義詩

虞舜中年慕曾參愛日催丹心遙獨接青簡坐相陪兆
億歸同敬孤鰥惻所哀須知仁孝理休頌

聖明才社稷二南啓宮幃萬福來配天

三后肅裂土百男開證義分曹輯微言稟

睿裁即茲天地察何用白雲堆

題離騷

離騷言求女非用比明王女有事人義賢臣乃所當當

軸盡邪佞高丘已絕望庶位亦無人下女日淫荒豈無
遺佚者媒不遇鳳皇恐為他姓得相率去高陽惓惓貴
戚卿未灰心少康庶幾屏夏肆配天業復昌公子雖未
家二姚誰送將終知賢路斷割意思游翔遠遊何所適
山東一槩量徒有西風壯颯颯捲八方幾回指西海麾
旌襄行轅所恨仇讐國我馬摧悲傷風人比興思隱約
遂微茫幽昏情侈肆天外事荒唐郢書不可說無乃燕
人盲

四求女為君求
之非原自求也

己卯元夜宴集同子未諸子用韓吏部韻

曉晚二年征路塵

皇恩中道改絲綸歡情自昔輕難遇薄酌今宵莫厭頻
古栢前庭終夜月臘梅後院半枝春何時綠印經旬合
雖未歸休也息身

苦熱雨後驟爽署中口占

連朝雨氣敵炎風猶在先秋伏日中坐上來歌人泮渙
窻前一覺月朦朧萬牛起處西疇滿列駿鳴時北冀空

早晚休徵叶叙後寒流洞口憩深叢

題青花硯

嶺外稱殊產文朋至寶歸氣含訛火潤根漱粵江肥寒
藻參差發朝霞爛漫飛沈思悅研處光景坐相依

孫栢加冠詩

人生始於弱八經首在冠望以家之楨期以邦之彥南
有喬木陰盤大由根榦又聞老農言見苗已收半殿閣
崔嵬高有址便崇奐河海流無極緣源得浩瀚迢迢行

路人舉足貴無勸
仡仡射者夫體直
乃洞貫尚論古之
賢誰非早自勸

讀書有感

西土有虎賁於越
聚君子不逾三六
千國甲豈盡此此
其腹心者熊羆不
二士然後億兆多
無難臂指使我論
讀書方要道亦云
爾汎濫同飄風精
熟乃根柢漢人重
專經宋人務窮理

周濂溪愛蓮詩同翰林作

因讀愛蓮說譜作愛蓮詩幽芬無限好貴此手中奇在

隰文王望

詩隰有苓
苓即蓮也

濱臯屈子衣山林廊廟致惟此能

兼之根苗同結果

謂藕與蓮子

花葉異抽枝祝子類窠蜂張

翼陋蹲鴟

荷葉如蘋而圓

心虛通七竅

藕莖皆有細孔

體淨滅三尸

蓮不

產

承露高金掌迎風遠翠支蕙蘭傷隱約芍藥太紛披

沈吟洗濯理屢動溯洄思在昔中州氣扶輿產賢耆一

出南嶽下投老西江湄比德念茲物攄篇發為辭伊人

碩大儼河水清淪猗圓相千秋秘高風百代師我亦愛

莫助空嗟泥不溜非關來身篤

佛以清淨不染為蓮花身

無乃繼皇

義

潔淨精微易教也

喜雨二首

溽暑憂愆陽秋禾最易暎
儵爾三日陰微雨飛近甸
聞道迤南去田疇已汗漫
而乃帝京中郊塍猶未遍
是日雷殷殷閣窻為震撼
歸塗度南城流潦正侵骭
煩痾喜一蘇野無農夫歎
市集籌米多庶用慰薄宦

二

初秋未徂暑不寐如煩疴一雨挾風至蕭然襲絺羅出門雖泥沱散野喜禾多天傾十日雨人沐九重波坐堂親騷屑捲帟看滂沱

送阮子章參戎閩海

矯矯班家子投毫心迹奇時哉憑軾會難者

臨軒知不次尋常得無窮事業期旌旌停社樹矛戟亞桑枝赤手圖天水丹心照昊曦猶嫌王粲者徒有從軍詩

恩賜扁聯酬陳對初二首

伴食常懷素食憂女蘿桐樹倍驚秋自天霖雨誰能作
振古高風不可儔舊植久荒三逕路滄波暫繫五湖舟
連朝決背非關候累息

深恩媿復羞

與君先子舊時諾夜月清溪曉露林委翳不勝良友念
羈飛虛負故園心雲迴舜世重華日夢結商家萬里陰
巨榜高懸驚越分新詩況復抵南金

賦得為有源頭活水來效翰林應制

咫尺靈泉隱故林由來鈍懶寡參尋目窮行潦潢汙路
識取先河後海心月景臨時蒼壁動川光起處白雲深
先生喫緊開來裔坐俯寒塘一睇吟

賦得三十六宮都是春效翰林應制

安樂窩中舊有經希夷洞裏見分明坐知一本能雙榦
又覺翻來只六行乍瞥天根初息息閒遊月窟亦生
洛中幾度春光好慨想風流萬古情

擬杜工部端午日賜衣限韻

晨起趨丹陛輕烟散曉霏章成勞織女繭獻動宮妃適
館風何似承筐雅庶幾波深零露後候變炎訛非卦序
離當令文文日正暉新恩榮作服舊德念初衣鵲翼情
應惕鷄懸事既違素絲操者衆元袞闕行希履集驚添
滿冠彈倍覺巍歸班參柳綠曬篋亂榴緋拜手稽將舞
循躬汗欲揮睇思新欲理刷羽慕高飛

新秋二首

今歲足時雨旬朔殷雷電平明西門西駐馬觀綠畔昔

者撫京畿巡陌兼塞岸長愁潦水發又畏明星爛雖復
謝犇馳民憂安得遠且況煩疴中餘涼為我散微風蠅
已癡連朝篋紉扇幸當填委簡喜有休沐便何時親農
蓑溪帆飛一片聊與羈跡人畢景窮遊翫

二

郊西朝洩雲屋北夜燃電嘗麥方告寢藝黍囂盈畔我
友三四人平坦剗崖岸著碁或敲詩去工取熟爛豈無
聲華客往往敬而遠南士鮮參尋儒官飽閒散招之高

春坐直至暮颺扇榕園憶方陰訛寢從所便谿來驟雨
聲巖落飛雲片歸與異日遊翻憶京華翫

病中讀書

少壯知讀書頗無閒歲月于時寡疾病無樂乃懽悅或
負東戶暄畢景獨繙閱或迎樹下颺吟咏自消豁奧域
豈必遇涉趣生顛蹶如彼春來草芽蘖日夜茁自從度
始衰症候纏如葛寒暑畏之風月只虛歔稍稍窺書
意千載未覺閣俯仰多呻吁形神不相發日者為病肺

羹飯徒茹啜知味無餘馨心鼻正一轍秋物貪結子何處辭風雪乘除理則然堪為達者說

九月望鄉有作

用杜工部
發秦州韻

平生仕宦跡不作經年謀濡滯二十載冀域古封州幾度望鄉井目送鴻鴈秋丘塋固有念豈為此都幽完名思樂毅謝爵慕田疇恩重力不稱夙願非所求駭機朽索馬孤蹤不繫舟負乘曾寇至舄履聽辭游

皇鑒穠中天寵驚亦已稠丹心敢二念白髮難分憂潔

身庶猶愈欲以晚節收忽忽桑榆暮靈瑣尚淹留十月
霜露降夏畦滿源頭一觴遙未酌明發沾纓流豺祭逐
金花孤露營魂浮松楸蒙錫類谿谷匪優游

恭賦

御製咏竹詩濟濟心寧憶俊賢效翰林散館應制
由來梧竹鳳凰栖截管崑崙理亦齊高節清風長拂拂
蒼枝白露更萋萋興懷側陋虞廷遠繼迹卷阿雅什低
多士今朝初獻賦賡成棫樸是新題

御賜教忠扁額磨崖墓道恭紀

顯考生逢離亂期
莫年藩帥又傾欹
辛勤祖宇兵荒後
勉勗孤忠涕淚時

帝語煌煌今表厥
子心昧昧老思之
貞珉霧草應苔蘚
哲裔磨崖誦此詩

讀史二首

武侯不憐才殺延
不待儀汾陽修小
邾臨淮無旌旗古
人就大計度外密
所施我讀炎興史
始謀誤者誰一疏

忠定去再怒岳侯危張也徒堂堂自檜更無譏迂疎輕
決事俊哲重知時晏子殺三士梁甫有悲詩

二

羸氏何其愚欲使文字埃六丁收不去二酉銅將來王
莽飾六藝猶蒙嚴筆裁鼃聲同一貫何事獨免哉少康
嗣夏家羿澆固沈埋共工霸九州五德無推排高光皆
除暴何分姓氏乖我欲遵孟堅一辭贊麟臺

董江都

下帷歲月長丘園邈不視遂使霸秦餘中天揭仁義三
策徒哀舉兩相終淪棄六藝振王迹千秋首儒系譚經
維機祥籌邊同表餌白璧有纖埃豈足賢者累

諸葛武鄉

管氏稱於聖徵以仇者言豈獨廖李輩失職不訟冤孝
尼身在魏張儼自事權鄰國欽英風紀述故足傳結好
分天下江東為誓篇至誠動天地煌煌信史焉

韓文公

性道炯有覺。胼釋驅無礙。浩然生不虛。卓爾人為貴。說
禮譚刑兵。專門未足慨。倘在二水中。必列四科位。

聞東南得雨詩以志喜

吳越三載天行舛。大河之北亦多沴。賜復動至千萬餘。
米價增高殊未損。奸宄因緣訐其間。遂令飢者越茲堦。
兵凶二事每相循。

聖心洞古燭微隱。周政十二舉無遺。楚粟千艘下來賑。
近聞市直歛然平。靈雨六月又已零。先蘇東南財賦地。

旋知列道報西成奏至微寬宵旰意詔來不覺夢魂寧
雖無東漢三公責難免宗周嫠婦情況是升降多意表
從此吏治日休明病夫亦在一物數當使優游餘息謝
歸耕

追贈蔚州魏尚書環極先生

氣稟山川茂頎然海鶴姿早窺中秘冊

帝命簡拾遺鵷雛擢珠樹雲露忍朝飢忽憶東山卧一
去十年期誰料丞相薦晚著豸冠巍遂懷古人心感慨

登車時臺館同華署旅進每相追嘗聞彈劾聲清厲徹
彤墀有似嚙嚙鳳引吭梧桐枝又如執法星暉暉明太
微嶽立西華勁煦姁冬日熙前輩風流遠于公庶見之
存陟漢司空地軸發蟾機衝死排九閭批根摘輔毘貪
懦畏之久殫力肆傾危卒荷日月照驛送錦衣歸我辱
忘年契前後寄篇詩獎許空逾分終身負鮑知曩歲貳
中樞奉命察邊陲暮宿紫荆隘朝遵易水湄雞酒拜公
墓一慟哭吾私獲聞公寔日五雲護靈輶生芻來徐孺

大鳥揖關西投老點朝著慨息如公希國初人物論非
公欲首誰禿穎中書老立傳少歲蕤懷昔敲殘韻落句
日將歌

六月六日祈晴

前夜近簷坐飛蟲繞客燈共言占水至揮手氣如蒸中
宵驚枕夢越宿猶翻崩土今當為帝坤維正得朋飽飫
畿民諺可以豫豐登盛時無淫太連朝亦已恒卧聞雞
不已出見豕盡烝晨起告明神速導賜烏興密壓收將

旆高褰固其滕什刊雨無正篇頌日之升庶免咨者怨
明非怒所膺有職執斯咎自公憂不勝所倚靈助順為
我止頻仍

承修性理精義

洙嶧輟微響諸老尋其聲六籍誠深迴大義亦已明何
事蜉蝣陰力盡大樹傾爾來二百載屏燭中夜行我
皇丁道會俎豆歸然更建安既躋位羣哲庶憑靈欲新
比士制推配博士經是道由有託於心遂取成河洛何

栖栖天使光我

清承局輯遺書茲愧以為榮淵源非游夏何以飾昇平
賜遊熱河行宮紀恩二十八韻

方囿文經始新豐漢別丘頤居誠伴與孝養更休優茲
地藏良閔洵天作未修帶環中采衛控引外藩侯形勢
紛犇會山川鬱糾繆禾苗同腹裏種樹雜遐陬石矗孤
峯起溪迴萬戶稠泉源行堞上烟霧洩城頭鹿跂靈臺
坂魚依在鎬舟誰將歷衡霍何似望京周省野紆

皇豫觀邊本廟謀薰風朔巡守訖火此淹留民事兼程
報曹章計日郵道存仁智樂心與躍飛游即景多餘意
懼言有至憂登高小天下面內撫皇州納稼咨千畝披
經論九疇引年辭

玉陛七月渡寒流目盡關山古神清澗壑秋病軀垂扈
侍禁直閣

宸旒及此歸來去叨為汗漫遊卷阿風肆好遵渚興夷
猶涉陟資車櫓追陪動馬鄒亭臯頻憩坐瓜李互沈浮

賜息攤書處羅張典膳羞賓商疑入夢凌影悟升悠頽
節應捐蒯衰材分黜幽

天施無已極夕惕卧南洲

甲午春日送喀警庵村居

移室就村墟幽栖愜素尚陌塵靜不飛野色正駘宕嫩
絲舞緒風早麥搖新浪春雨深一犁晴川浮兩舫眷言
農圃老久與簪裾忘陳編得披尋枯棋對閒曠出逢漁
樵鄰卧想羲皇上起予丘壑情烟霄時極望

榕村集卷三十八

欽定四庫全書

榕村集卷三十九

大學士李光地撰

詩

恭和

聖製賜餞詩二首

嶺海微臣謬厠儒身親武烈更文謨
深仁膏雨從天下和氣陽春匝地敷
無力宣勞情莫已有心師古道難符

翻驚垂老膺殊寵載得光華滿驛途

輸忠為國慕前儒薄植無能佐典謨曠職每承天網闊
乞身又得

帝恩敷長河有夢依

龍袞裨海無烟仗虎符戀

主區區同犬馬繫心紫闥竟征途

御製餞詩又

命諸王諸皇子及扈從大學士學士尚書都御史翰林

諸臣俱賡和恭紀

帝庸撰作餞卑儒盛有親賢效矢謨三閔工歌麟趾繼
九成樂奏鳳文敷續續散藻承天象郁郁流華遶日符
節謝四明慚二傅青門何幸耀歸途

賜餞詩又

賜謨明弼諧四大字八世祖先人皆有扁聯嘉獎總兵
六叔父處士弟亦叨

恩焉恭紀

申錫新章許號儒更題巨榜古明謨榮光八世占先兆
養逮雙親典又敷尊輩微戎高宅額諸昆素節耀門符
自知庸朽難堪此惕息驚心漫首途

留別南中諸友

郢書既重誤燕人自得師漢儒專門學朝議猶倚之六
經如日月涉夜則晻晦茂古不尊經何世不幽昧穀熟
生齒富經熟人材植兀兀時春華歲晚君何食諸子乘
休運翩然潛大業吁嗟大業荒昔在明中葉始我出山

時長恨山無林屢逢來者說松樹已成陰有源第一義
無息兩字箴古人亦有言子寧不嗣音老馬僅知道逸
足乃所欽巖石雖粗礪能悟出雲心瞥瞥秋日飛戾戾
晨風發翻令主為賓與子牽手別還憶我言耄不鄙吾
道拙藉非名世期胡然淹朔雪

留別北地同學諸子

畿封稱首善歷代有聞人毛鄭一家學江都號大醇其
流今豈歇厥緒貴能振況此文明會休哉

化洽辰諸賢生實幸皇極邇相親十載三餘聚千秋六
藝新敢言吾道北共荷

聖陶春陟嶽多迷路浮波在問津采苓曾木末適魯幾
西秦近哲傳心鵠餘編援手鷄如何握苗者不作力田
民訶祖三千律華詞萬劫因徒然斷根種未論侮明神
昔戒惟三畏余懲守一真有源始名水非道悉歸榛布
帛休嫌陋饗殮莫厭陳雅終還尚質風亂必思幽獵獵
驚秋節忽忽摻路晨相期師樸學他日出純臣行遠難

中憩孳孳聖所申

留別成絅齋

時世時華碎萊汙莫耕菑太音誠泊淡歌罷歎者誰輔
嗣方弱冠超然釋筌蹄三禮如木札二鄭耽嚼之元凱
豈無癖斷爛朝章為韓愈儷花後獨將本實披鼃生大
笑道成子屹不譏雅效成弘體喜誦建安詩校字武英
殿

皇心正表微三年勞編剡坐閣比下帷孟氏出鄒鄉近

聖亦自嬉況生

皇極地日月耀光曦燕閩萬里遠從茲阻且躋所望遂
有就及泉揚其泥內心惟惕息外事攝威儀并力已所
檢遮莫他人非周行古在望攸遵子既知臨岐何以處
三復宛鳩辭

出京舟中

自與閩山別已逼三十秋今日秋風晚纔上張家舟初
齡偕計吏髣髴認沙洲吟咏向滄景喟念昔同裾彼時

雖落第歸著老萊裘歐生榮祿願鮑戎坎壈憂微名一
日得多難七星週力將親度亂義與

主同仇名籍達閨殿心期違壑丘烏私清夜切子舍白
雲悠事業終微管詩書祇夢周坐令杜曲上楊樹風颼
颼蓼莪既已廢頌弁付河流茲事古同歎循心我餘羞
徘徊空素食荏苒遂白頭

君恩猶有恥衆議豈無尤此生逢堯舜豪髮鮮裨酬徒
然錦衣暮晝行如夜幽携杖如阮籍連床有子由庶幾

諧我老日將舊緒抽洞竹聞成蔭榕枝未改稠頗憐杜
預癖往遂虞卿謀勞歌亂以雅知命更何求

宿遷遇雨徐氏通家子來會

冉冉涉南土依依見楚山湖收沂沭水地接穆陵關昔
觀瓠子至今省松楸還歲月良興感風土一開顏是時
冬之孟肅氣來催寒雲飛岱畎上月介髦頭間諸生恭
父執澀滑遠追攀肥螯新酒熟名鯉鹵糟乾慨想尊鱸
意日親蝦飯餐便如履鄉貫足以慰夜闌

渡淮

張子思食鱸韓公喜見蜎詠雅傷載離賡風懷曷月況
我燕師滯請就絳縣說三九歸不盡四七除方豁今晨
濟淮黃山川皆昔悅行路成親串旅店如房閨即看江
都花及剝洞庭橘迢迢循吳會行行指越絕仰瞻嚴臺
峻俯濯嚴溪潔上賓武夷君便立考亭雪諸昆言來迓
停撓騰頰舌釋爾他憂捐暫將生理撇烏鵲投其林狐
兔犇其穴公望所以仁疏傳於焉喟然眷南山蓼莪

歌未闕

望金山

碣石韞靈跡，茲山矗立頤。
東南分底柱，河漢落支機。
月出連天近，潮來帶海飛。
風帆斷雲散，漁火點星稀。
禹會留科斗，堯階鎖翠微。
烟嵐長日護，谿壑萬年歸。
聳色排今古，孤根眩是非。
還躋嚴子險，更上武夷巍。

過蘓州題泉州會館

我祖昔遊此，輸公活殍瘡。
義聲蒙采撫，前乘有餘華。
我

行吳江汜適館久咨嗟身慙有媯後八世賓王家恭逢
陛下聖星漢入風槎海客皆親串相看手盡叉搖漾扁
舟遠崎嶇石路斜勞歌慙一息即此見桑麻

蒙

恩假歸過釣臺

少微天列象嘉遯聖所珍高尚誠如此猶然論屈伸孤
竹初就養紫芝晚來賓功成餘石杞霸定委金人超然
終不染夫子獨標真舊交排禁闥有客亂星辰匿名青

海岸沈迹富江濱幽谷遂相慕東京日以淳後來躬耕
者義與釣漁均三顧渾未起依稀高卧身大賢通出處
千載兩君臣停舟頻夙歲躡級及茲晨總筭乏筠節投
老愧絲綸霜色孤峰厲寒光淺瀨新翫喜疎冠蓋徘徊
倚明神

霧鳥

有序

來自海外脰與尾連不見腹足栖息常在霧中其尾
修長潔白南方乾之以頭為柄如麈尾狀

不是樹間翮相將雲際看梢長垂亂柳末茂散幽蘭薄
霧連成縠輕烟疊作紉走飛何所藉飲息更無端憐足
夔應惜潛文豹共寒中膨羞豕腹側睨陋雞冠奇羽傳
來乍佳賓聚覲團何殊遐舉者縹緲馭風搏

錢塘舟次酬費副戎汪千陂

自從渡揚子種種似家山草樹渾殊候魚蝦日異餐亦
有故人好宦游此江干扁舟勞行色連朝道所懽長吟
參戎事高詠佐文權未酣萍跡聚忽唱驪歌還別贈留

珠玉芳情指佩蘭從此三衢道回頭七里灘役役吾輩
老何似客星閒

斑竹

律筒調宮商卦氣序蒼筤剝蹟留蚪蚪幽心起鳳凰風
傳楚水曲種入閩山陽近憶劉誠意高標漢子房

伯溫
嘗應

詔作斑
竹著詩

擬感興五首

清淮限橘枳易地不能良春蘭與秋菊各自為華芳襲

土順時令芸芸以為常灌彼松耶柏植根乃磽壤密葉
雜霜翠剛枝借雪強問之何能爾所資日光日月無
終極萬古吐精芒上界混冬夏燥濕安足嘗

二

岡陵餘古樹淮海變微禽如何靈貴者翻限百年陰以
茲遊方輩感激多悲音爭修野狐道競投化羽林不悟
夔虵足孰與風升沈泰山石可腐未如雲古今耳目饒
長注終輸存者心精爽居然別何乃苦參尋

三

繁星萬一千未似獨月朗同被太陽耀何為孤者迴勇
士力千鈞便為百夫長流潦浩無收一壑盡歸往聚散
理若茲專驚意可想所以顏之推鼪蚓為之況

四

聞說金身道須由鐵漢修鐵使衆根斷金將萬影收悲
岸無疏戚覺海絕沈浮造物曾未悟雷電鎮日流斯言
盈千載聽瑩為我憂嗟彼談根果何不向此求

五

人言江河水百川匯乃成雖然此不讓一勺乃其精縱
非橫瀾赴呼噏百潤生又如崑崙枝遠條東西傾葉葉
與根映枝枝與根迎雨集共綵結何時到霄冥

廣信道中

江水清見底人從鏡上行草樹夾洲岸窮冬猶青青掠
波孤鷺過淪漪寒藻生南枝歸越鳥心親眼自明羈旅
多鄉串懼欣訪行程

留題鵝湖山下石井

靈脈鵝峰趾天雕石作欄嵌空含宿潤黯淡絕飛湍遙
海潛通碧平疇廣浸寒前修多寄詠無限水哉歎

謁

御額學達性天武夷精舍三首

昔年長老逐遊興從問何處名山盛迤邐莫須敷淺原
曲深第一武夷逕尋幽易涉衆壑殊獻奇觸眼羣峰競
宋家南狩西山西光移婺女開賢聖

居於夫子似鄒魯來往未曾拜舊宇此行棄舍浙江舟
取道迴遭西水許探源莫憚九折深仰止方知萬仞古
飄風為謝武夷君不是看山非采古

高山巋然哲人邁猶有手整六經在章句初年成習心
專門白首歸模楷下竿淺刺寒溪風肅佩上趨精舍靄
相看來裔寢微茫誰念前修久相待

寄臺灣姚總兵二首

勲名已結九重知借寇三年意不貲平蕩無踰滄海郡

恩威獨倚武臣師更番樓櫓趨轅下絕島桑麻亞戟枝
從此甌閩東漸遠如君何用賈捐之

歷鎮巖疆望翕然量移海外績堪傳南中須得張疑久

交趾未容英國還同事更欣來檠戟

新撫軍陳公前分
守臺灣與君同事

休居何幸息風烟迢迢隔島遙相祝盟府高勲挂簡編

壽黃達甫

并序

達翁黃君安平舊家兄弟同居以友愛稱患難尤篤
孔懷之誼又曾毀家貲數百振人危困余識其嗣廷

樞君適訪我湖山告歸祝翁壽詩以貽之

長日紫荊樹經風常棣華尋常急人難什伯傾其家
海衣冠舊循陔玉樹葩賓堂初夏滿相侑酌流霞

五月五日濯纓臺觀舟

知章投老去得與舊林親童冠偕行邁簪裾暫出塵
銅喧里鼓欸乃繼騷人角飯沈香餌機絲續釣綸
風謠千古上世代幾番新雲暗三湘暮花開萬嶺春
幽情捐紫珮餘事寄青蘋徙倚黃昏候斜陽別有神

關侯誕日懷古用杜工部謁先主廟韻

建武中興後風流大作人屠沽嫺禮讓處士卓經綸
攘生豪傑間關定主臣一朝明分千里蹈危辛中壤
黃星豔西偏赤厯屯羈栖阻江漢宗社越周秦祀夏猶
應帝生申故降神從遊來二虎枉顧起孤鱗沔水襄陽
北秋星渭曲春成功轉息異遺恨到今新志義移風遠
詩騷弔古頻爭知銘日月不繫鼎灰塵難者熊羆將歡
然魚水親無猜匡大業有望壓強鄰舊史紛三統新安

序一緡萬年茲仰敬歲事肅衣巾

賦得為有源頭活水來

天稷流精遠千年一問津相期星漢客須待武陵人共
望汪洋失還歸滴瀝真幽光含物象清景絕虛塵藝苑
休勞日心齊好競辰春秋書底事爾雅注何因往哲悲
岐路前修貴反身沈思入室者是處起經綸

又效宋體一首

靈源何所起達者自知津絕學非無緒單傳固有人欲

尋活潑趣須剖渾淪真未用添新料惟勤掃宿塵當仁
五百載省已十二辰樂處憂相乘疑來信則因六經歸
一理萬物備吾身多少臨淵羨何如理釣綸

賦得夏雲多奇峯

四序多蒸變炎離行雨辰噴騰通嶽氣瀕洞走龍神本
自山川出依然形影真纖疎羅草樹鬼礪兀嶙峋忽助
華嵩聳猶疑蓬島新風朝觀締造月夜想沈淪未得陵
霄至偏堪仰止親功成歸澗壑慨息念斯人

壽陳子對初

一滯都門三十秋
南北諸賢從我遊
才難誠如聖師歎
求之不得是吾憂
吁嗟俗學塞天下
振古文章束高架
六藝小學亦失傳
忍使經書如長夜
有媯之子熒熒暉
曩者木天啓絳幃
尊人白首稱弟子
又華其繼丹鷄飛
邸舍空齋鎮集止
一向一畝陪揚子
疑端強半為諸經
辭咏亦拙作者旨
小陳之詩獨造妙
能與唐人角風調
館閣王陳劉若干
未知孰是領深要
更涉六書通九算

此事尤與今河漢南宮之文雅以清安得白眼垂青盼
奉

詔修經揚絕微

聖學高深誰得知圖象摹畫假君手遂使隸首參皇義
憶昔相從幕府行風帆驛路急王程長觸塞雲蒸訛火
身披薊雪頽落英蹉跎荏苒便中歲血指汗顏真可慨
君不見杜甫送高生男兒成名多老大得塗年少甚誤
人風流坎壈亦纏身直經百忍千災散坐守純愚萬福

真誰言祝釐非古禮二雅幾篇稱壽祉遠溯嶽神至拜
楨歸之令德風人體況我與君同邑書岩堯側耳望仙
鋪世好連葭情不淺周旋夷險意何如贈言惟誦古人
修質有其文世所求君悟碧霄無枉路徒有相期歲晚
收霜風嘹栗摧葭亂寒菊未彫早梅綻君去應有十日
觴聊用俚歌諭親串

榕村重構十六韻

西麓委初盡平疇曲水通開村名以樹跨岸勢因風偃

作雙橋斷聯成一幄同推頽雷雨意緯繡鬼神功久矣
勞于役歸來老此中雲山皆接北軒檻盡朝東石峻希
巖築池灣礙頻宮遠條陵廣沚清泚度幽叢無限晴光
好尤令暑氣融精心藏秘冊餘事息微躬是地方營構
茲郊正起戎憂思忘後樂雌守那知雄日霽今王會霜
華既病翁白駒馳不住青竹業何窮昔夢榕陰綠斯晨
荔子紅懷哉聊慰志時復叩虛空

五月十日遊成雲洞

買山三紀事卜築舊無能雜樹全荒徑孤齋未宿僧宦

遊如泛梗代網類牽繩責諾誠虛負移文固已曾密林

喧虎吼

傍巖有瀑布水

繡壁蝕蟲薨

山石盡玲瓏如蟲蠹

淇澳青千箇終

南白百層木棉松榦倚菡萏蘭香朋隔岸環三渚連潭

曳一泓當黏花苜蓿荇藻葉荷菱鳥馭東西軌蟾弓上

下絙谿風秋瑟屑峽雨夜犇崩信美知無度懷思夢不

勝深恩紓倦鳥老態劇寒蠅杖策拘攣去肩輿卷跼登

巨靈云既許福地自然興禹蹟藏何極遷書寄有承

歷年

賜書將建樓安設於此并收藏一二私籍

斷將巖石錮付與谷雲滕餘潦橫

猶漫初嵐直似蒸南訛翻赤幟且比踏曾冰

祭銳峯和尚

師本狂狷者家落遂披緇中歲頗歷扣襃然稱傳衣能
言種種心聽者開肝脾樂成率爾句慣著低甚甚交我
已三世祖父歡迎之誰謂僧無親風雨相因依余家昔
遘難自師發其奇古言邵康節亂世奸雄姿隱几揮戈
事當機聊爾為下山便適館到老無嫌谿世出或世間

往往見幾微我欲冠其顛師欲剃吾而上引韓潮州下
述周濂溪巨榜山門路無如愚者迷甚服人禽論最喜
月花詩師但莞爾笑謂我徒毛皮儒釋一齊衰相取重
相思今安得是人飛錫下南陂況是共憂患投分過親
知長老當筵說使我涕漣漣迴車腹痛者昔人所猶譏
而我久曠閣豈不負雲枝今晨載齋飯迢迢渡虎谿無
住一應現為我指端倪

妙峯寺弱冠讀書處今來屈指五十餘年

昔有苦行僧自名參唯者中歲海外來結構茲峯下先
兄好與遊晨暮武溪瀉猶然效陶潛恣酒不入社德林
居南山天問隔蘭若相望三高人世外亦風雅逡巡五
十秋儒墨齊飄瓦慨息吾道衰帶累逸民寡投老訪林
丘徒有巖泉灑從遊獨舍弟舊事記真假當年讀書聲
戶牖尚咿啞淹坐至日西憮然我憂寫

榕村

卜築三紀前落成三紀後游宦如涉波邈不知其久榕

樹加遠條雜植頗陰黝澗水無消添稍復導源首抗榭
觀遙山闢亭通四牖前軒及南舍皆俯魯侯茆為此將
藏修不量倡士友薄遽遂周星行復朝北斗匪我老未
休命有驛神守

榕村落成用朱子卜居韻

休居且慰意誰復憶驚秋風候南中異家山事事幽況
此豐樂歲晨夕履西疇翻思三十載身如不繫舟暮鳥
各有歸三逕豈無求夙歲徒經始今朝再爰謀鑿池通

澗道抗榭出山頭斜陽交積翠漲雨亂寒流

皇宥棄顙顙甘為汗漫遊勞生分有息寡過是吾憂賓
朋多雅話學子念藏修古人世耕讀所望在箕裘

六叔父恭懸

御扁詩以賀之

當年重繭馳丸蠟此日華顛捧

帝書駭浪驚波今已矣高堂巨榜意何如汾陽諸子皆
金佩元凱終身老蠹魚況是瞿瞿多夕惕家傳辱寵未

曾疎

丁酉還闕臨發申定鄉規口占

山水淨明淑氣嘉
那堪俗化任澆訛
人非本業皆無賴
里有仁風即太和
富貴長因驕佚敗
貧窮半是惰游多
今朝不作相如難
父老傾聽臨路歌

留題鰲峯書院

有序

趨朝道經三山觀
所謂鰲峯書院者
此地闢自儀封
張公而海康陳公
繼之二公皆以宿
學清修建築於

茲下車之日首注意於文事是閩學將興之祥也陪
讌講論竟日留此志喜

扶杖趨

朝命停車采國風諸姜齊稷下三峽待文翁倡道中州
傑尊師百粵雄有虔初秉越主靜日銷戎媚學招羣素
賢僚倚帳紅蔥青環藻枕幽翳滿芹宮我老迷非是羣
徒質異同抗顏愁笏曳寫腹已鉗空白首慙嘉會虛心
竚聖功作人

天子意翹羽戾朝桐

壽六叔父

并序

六叔父八十大齡國老家尊兼見兒孫騰達逆想秋園瑤兕神為馳越遙奉嘏言獻諸緝御

礪溪此日始登車何似功成復釣魚坐客當筵催警句經生繞膝問難書完名式里兼耆壽

恩獎顏門賁索居古道親親尤憲老長慙猶子未歸歟

恭賦

御製惜景勤經學

六藝無終歇

皇心在表微洛書浮水出鳳鳥應期飛
繼日思猶仰先天道不違同符乾德運
何處是春歸

榕村集卷三十九

欽定四庫全書

榕村集卷四十

大學士李光地撰

賦

木癭瓢賦

何所懷之怫怫兮駕言邁以遊遨覽物性而潛思兮感
余心之忉忉彼雨露之所施兮寒暑之所化物生各有
以自舒兮獨紆鬱而則那余將問此由兮陰陽幽而孔

秘眇相觀於四極兮乃殊行而同義日掩則生蜺兮氣
屯而為雲水衝而生波兮火過而成熏器蠹以生癰兮
玉豐而成璘蓋存此而為病兮乃去此而何珍在昔世
之方茂兮嘗杯飲而汙尊儼元流之在中兮蓋馨香之
所聞君子之高蹈兮亦一瓢以怡怡信斯美之可尚兮
又何必夫廟之犧余固服於古之誼兮悟屈伸之常道
蓋有蹇產於一時兮歷終久以為寶維輪囷以樛羅兮
非草木之本願嗟佳人之好修兮獨遲回而歲晏發微

文於素質兮心幾焦而飲苦猶磨礪以終生兮夫孰知
余之所以自處紛瑠璣之續續兮燦金玉之熒熒苟不
陳於商周之庭兮曾不滿夫一盼羌硜硜而自固兮信
古人之所佩也余既不爭夫世之榮兮宜非造物之所
敗也忽返顧以回首見綠野之陰黔恐微霜之所踐有
歲暮之嚴風嗟獨酌兮獨樂悵弭忘兮何心

憶閬山賦

惟閬山之高大耦華岱而與齊鍾神秀於南嶠奠吾廬

之正西晨余陟於平趾日中而始躡乎危梯矯中峰之峻極猶勞心於阻隄及次巒而稍憩有仙鋪之庭院若斷裂之曾冰等戔戔之素練廣可坐乎百人勢舒掌而平面信神者為之工匪人域所經踐豁茲巔之曠迴羅童髻之諸峰水淙淙而環流覆異卉之青葱忽大石之中拒溜剜溝而深通閱萬年之穿穴緬涓滴於蒙鴻我欲窮其源始闢荒蹊而頽莽灌至靈竇之所開纔沾濕而如汗距數里以成流越里許而成澗遂懸長瀑以高

飛沃深潭之龍伴

潭中有魚四足

策餘力以黽勉乃直上乎巾

之峨眺武夷於雲際俯莆漳之陵阿眇近郡之青紫

謂清

源紫帽山

盡壑底之乾羸倏白雲其下湧漭滄海之浮波行

日月於須眉走風雷於懷抱偉人衆之若茲矧翱翔乎

天之道念孕靈之何時計顯迹之晚早邈天地其無窮

諒茲山之不老昔吾夢抵崔巍兮乃在乎甲之秋睇游

佚而渡江左兮哦離騷之覽冀州登絕頂以寥廓兮云

當見今古之長悠心驚惶而來下兮殘刳灰之未收始

悟古人之言升中兮天與山其相接故賢達之栖懷兮
常危躡而險躡猶思及餘年以成吾書兮斲巉巖之石
篋借烟滕以雲局兮託千秋之大業日翳翳以呈黃兮
山沈沈而變蒼鶩歸塗而乘急景兮微颺發乎金方雖
無上之苦辛兮有犇躑之周防月色滿於平楚兮孤清
浸乎寒塘翳兩紀之舊蹤兮獨往來於寢寤非茲遊之
有啓於余衷兮余何為乎永慕思投老以尋諾兮既中
虛而弱步尚耿耿於攀援兮倚巨靈之休祐

雲無心以出岫賦

下士之乏節兮傷語嘿之道屯懿昔人之幽貞兮超厲
跡於青雲信坎離之合德兮乃非形而非氣混陰陽之
至精兮洩神物之深意蹤行藏之所適兮惟顏氏其庶
乎固潛隱而未施兮飯沒生之水蔬昔殷商之大旱兮
曾發王之咸陟一隨渭水之龍影兮假靈龜而行忒緬
千載以悠悠兮或三顧其追蹤矧六代之泯禁兮遇典
午之曹公溘吾遊彼彭澤兮丐區斗之惠也紛美人其

滿堂兮誰獨哀此憔悴也迅回馬而驅車兮望松菊之
青青離塵氛之靡靡兮混元化之冥冥斯人而不可親
兮長鬱紆而顧步日月絢其中天兮際清夷之皇路靄
川澤之上氣兮吾獨媿夫膏陰懼雷師之我責兮翳望
舒以何心朝翻飛於海嶠兮夕余宿於靈瑣悵汗漫而
未收兮恐清風之先我魂營營其幾逝兮喟天施之未
酬仰日暮之歸翮兮詠三湘以銷憂

憶昔年賦

憶昔年之方壯兮洵有志於古初矧世務之未知兮羌
無樂而歡娛及蒙難而憂艱兮乃備嘗乎顛沛徒觸嶮
以冥行兮不知幸之已大昧易爻之介石兮輕小雅之
臨淵無古人之高節兮乃獨易於由言孰能施而不酬
兮宜怨及於朋友至今耿耿以自思兮誠反己之未厚
鍵哀誓於寵初兮固不願此脂韋豫終始以噉詞兮亦
豈先民之所非寧不孜孜以慕學兮愚而不足以發始
知道之信修兮汝獨尚夫孤說紛古哲之隨順兮故語

默之差違至言行之無愆尤兮則泯然而同歸中未離
於罪罟兮仰天地之浩蕩顧物性之既非兮虛雨露之
培養年荏苒以西馳兮意肅然而驚秋何彼賢人之坦
坦兮忼獨懷夫百憂思補過之無路兮願假年以學易
曾未窮日月之故兮敢深言於一畫亦既奉教於先生
兮識時位之無常擇經言而撿史兮求吾身之所當古
有幸而獲濟兮徒得福於無妄欲握柁以操舟兮又未
知一葦之何向無亦返於幽獨兮問厥初而省之歷萬

法以徵心兮庶天命之不吾欺蔚巖松之青青兮寥獨
能彼歲暮直以其有貞根兮得幽靈之長護唯嗚嗚之
狂斐兮曾未試于阻深冀大咎之終无兮誦小宛之遺
音

眼鏡賦

及余歲之方壯兮辨白駒之散花試玻瓈以著目兮如
山行之霧遮越維數之一週兮當堯夫之始娶忽有闇
之自中兮知蟾蜍之何處丐此寶於西家兮長堊鼻而

不斲又牽耳以防墜兮若犇豨之在服翳吾受之離光
兮固獨有此天明曾幾何而瞶昏兮假石麴以偷精心
憤憤以未平兮恨攝生之未固咎茲理於大荒兮亦欣
然而有悟吾氣之充腹兮何以日乎三餐吾裸然以乘
陰陽兮歲又何以乎裘衣逮榮衛之失馭兮致二鬼之
遊嬉彼區區之草木兮烈山奚取而嘗之信萬物之我
役兮審吾生之為貴日月何所不容光兮必發熱於陽
燧蓋真精之自然兮本一氣而同流得其所憑依兮乃

成功之我收昔虞后之四目兮密廣寄於天下及其苗
裔之重瞳兮福不容夫范亞樂工以耳眊兮靜者以心
觀惟其初之必合兮如地之輸灌乎山川抱耿耿之福
心兮謂附贅之之可詫審既得夫希通兮遂上手而稱
謝

秋高鹿鳴賦


以盛世蒐羅英才樂育為論

始進以秋欲其肅敬興物類之呼招比人倫之求應垂
簾鎖院自隋唐而以來籲俊闢門於虞周而為盛惟士

首民用才顯世故良臣資焉以事君王者以之而享帝
由鄉升國比三歲則賓興貢郡朝京隨逐年之吏計揚
於顯動於幽或胝胝以遐訪或假寐以旁求非梧弗栖
固來下於朝日生草不踐亦戾止於春蒐于焉燕以鄉
飲席之工歌陳旨酒之備有詠嘉魚之已多一矢者夸
射策三驅者廣張羅竚鼃董公孫之對列孔顏伊呂之
科氣以類感道不虛行若神劍之干霄匪張翳壤比大
圭之敵國微卞沈荊是以嘉祐追論美歐陽之司柄元

和動色為權公之作楨寄語太忙無煩地上之友借問
至樂孰與天下之英時則金風肆發曾霧褰開月眸朗
朗於孤帳星象隱隱於三能光動寒竈之烟巷憐羈客
明收滌井之水梯接妙才野老無歡賢人是樂勞心斫
桂將為貧者之薪連口相舂欲助飛仙之藥爾乃茅茹
彙升菁莪弘育宵雅肄三南陔補六惟孝惟忠初衣初
服昔也求侶之鶯今為嘯羣之鹿陋羊假質走中澤以
蒙皮希豹舒文向陽生而解角望湯网以斯犇指文囿

而攸伏而且白毛洗髓之心靜守緣經之督豈徒效長
途千里之驅固將備宮沼四靈之畜



榕村集卷四十